



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciae**

**Chyträus, Nathan**

**[Herborn], 1599**

**VD16 C 2803**

Veronensia. In Veronam Jul. Cæs. Scaliger.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

## IN CATHEDRALI.

*Quod vix mille bouum possent juga juncta movere,  
Et quod vix potuit per mare ferre ratis:  
Busketi nisu, quod erat mirabile visu,  
Dena puellarum turba levabat onus.*

## I B I D E M.

*Si probitas, sensus, virtutum gratia, census,  
Nobilitas orti, possent resistere morti;  
Non foret extinctus hic præsul, qui jacet intus.  
Iidem versus Panormi Siciliae urbe, in sepulchro  
Friderici II. Imp. legi perhibentur: pro præ-  
sule hoc legendo, FRIDERICUS.*

## IN CAMPO SANCTO.

*Quid spectas volucres, pisces, & monstra ferarum,  
Et virides sylvas, at hercasq; domos?  
Et pueros, juvenes, matres, canosq; parentes,  
Quis semper vivum spirat in orbe decus.  
Non hac tam variis finxit simulacra figuris  
Natura ingenio factibus apta suo:  
Est opus artificis, pinxit viva ora Benozus.  
O superi viros fundite in ora sonos.*



## V E R O N E N S I A.

IN VERONAM JUL. CÆS.  
SCALIGER.

**I**Talia canimus semper florentis ocellum,  
Calliope nequeat grandius ulla loqui.  
Aucta Deis, auctura poli Verona Quirites:  
Quot cives, tot habens sidera digna Jove.  
Non animi, non ingenii vigor acrior usquam.  
Nulla creat plures Martia terra duces.  
Transferre in calum voluit sibi Juppiter. Atqui  
Clavior in nostris maluit esse locis.

P iiiij

---

 INSCRIPTIONES  
 VERONENSES.
 

---

## IN NOVA URBIS PORTA.

Verona non minús nobilis, quám antiqua civitas, ac  
 priscae virtutis memor, Venetæ Reip. beneficio, non so-  
 lúm muros, injuria temporis corruptos, in melius resti-  
 tuit; sed ea quoque sibi templorum, viarum, pontium ac  
 portarum ornamenta adjecit; ut publicorum ædificiorú  
 magnificentiâ, nulli urbium postponēda videatur. Tan-  
 tum illi profuit bonorum Principum tutela ac favor.

AD IMAGINEM JUSTITIÆ  
*in foro.*

Verona fidelis, secura quiesce sub numine & justo im-  
 perio Divi Marci.

Fide & charitate in æternum non deficiam.

IN IPSO PALATIO AD IMAGI-  
 nem Justitiæ.

*Vos omnes moneo, cavete nostrum  
 Numen laderē. sum severa vindex.*

## ITEM.

*Justitia é calo terras dum prospicit alto,  
 Procedit recto tramite judicium.*

## ITEM.

*Ancipitem timeat gladium, lancemq; bilinguem,  
 Qui temerat sancta fœdera Justitia.*

IN CURIA AD IMAGINEM  
 pantheræ.

*His maculis quanquam nullos offendo clientes,  
 Tu tamen ô Judex jus dabis absq; notis.*

## ITEM.

*Te nunquam affectus morveant ratione carentes,  
 Sic erit & juri justitiæq; locus.*

AD

AD ALIAM IMAGINEM, ANTERIORI  
parte virginem, posteriore leenam.

*Mira arte artificis jungor regina leana,  
Juncta ut sic placidis jura severa forent.*

ITEM.

*Qua jus dicentem deceant contabere judex;  
Ne quidquam facias à ratione procul.*

ITEM.

*Incurvos ungues, magnum & ne respice rostrum,  
Ante oculos, judex, ora Tonantis habe.*

ITEM.

*Judicium ex animis purgatis rectius exit,  
Clavio & puro est pectore justitia.*

ALIUD.

D. O. M.

Illustri Leonhardo ex antiquiss. Imperialibus Bavariae regulis, Comiti in Ortenburg, indolis & spei incomparabilis juveni, hanc mœroris & amoris sedem superstites sorores Veronica & Anna-Maria pro dolor contra votum dedicarunt: authore agnato Joachimo, ejusque filio Antonio procurante. Obiit die XVI. Julii, Anno M. D. LXI. Suae ætatis undevigesimo, cum ex gymnasio Patavino hanc sibi fatalem auram pauculos dies captasset.

*In Amphitheatro, ea parte qua est renovatum.*

JACOBO FOSCARENO.

Quod amphith. instaurandum curavit, quodque ejus prudentiâ in max. Italiae frumētī inopia, una Verona abundavit, Prætori, patriq; opt. Veron. D. P. M. D. LXX.

AD PROCULI.

Quod Nicolai Barbadici operâ, consilio, liberalitate, solertia, difficilimo pestilentiae tempore, Verona sit periculo liberata: urbano provisum otio: plebis egestati annonæ consultum: prætorium magnificè refectum: obscuriores

P V

carceres illustrati: amphitheatri arena sordibus purgata: prætura deniq; præclarissimè administrata: id Nicolaum Barbadicum bene & de civium commodo, pro sua majorumq; suorum dignitate, posterorumq; exemplo bene gerendæ præturæ fecisse, sibiq; grata & esse & fore, testatum est D. Zenonis suburbium. 1526.

*Ibidem in fano quodam veteri.*

An. Dn. 1172. combusta est civitas Verona.  
Propter peccata veniunt adversa.

## IBIDEM.

Michaël Adosso Pictor, pauper natus, hæc cōmoda sibi suisq; posteris, præcipuis sudoribus & industria, sic annuente Deo, comparavit, An. Dn. 1574.

## AD ANASTASII.

D.O.M. Janus Fregosius Ligurum Princeps, ac Venetæ Reip. terrestrium copiarum omniū præf. ubi fortiss. Ducis officia domi forisq; præstitisset, hæc H. T. F. I. Hercules F. paternæ pietatis memor P.

## IBIDEM.

Gerhardo Bolderio, suo tempore Physicorum principi, Francisc. & Matthæus nepp. P.P.

PROPE PRÆTORIUM, IN TEMPLO EXIGUO inter D. Scaligerorum monumenta.

*Si canis hic grandis insignia facta peregit;  
Mantua testis adest, quam servo Marte subegit.  
Scaligeram qui laude domum super astra tulisset,  
Majores si Parca dies infida dedisset. An. 1328.*

## IBIDEM HUMI.

Sepulcrum Comitum de Nogarolis. 1210.

MARCI ANTONII TURRIANI.

*Ante annos sciuisse nocet. nam maxima virtus  
Persuasit morti, ut crederet esse senem.*

VERONENSIA.

235

IN AMPHITHEATRO.


Hieronymo Mamoreo V. C. cujus incredibili studio dum urbi præest, quod temporum injuria huic amphitheatro perierat, reddi cœptum est. Veronenses P. P. M. D. LXXIX.

IN AREA PRÆTORII.

Zach. Bar. Eq. Veronen. Præf. nonnullas in agro, tres in urbe arces instauravit. Prætorium hoc sublicium marmoreum fecit, forum ampliavit, curiam ædificavit, in penuria annonæ famem defendit, Rempublicam integrè gessit, æquale jus omnibus dixit. Ejus discessum populus lacrymis declaravit. M. CCCC. LXXVI.

ALIUD VETUS.

D. M. Mitrius, pius, dives, decrepitus, mendicans, luce carens, à tribus liberis & duabus libertabus expulsus, siti perii, sacrum mihi met constitui, hinc humatus sum, cineres & ossa. hos natos renuo, in hoc ut requiescant nolo, sobolem nego, privo posteros, omnes me legitote & sinite. Vix. ann. CXXV. mens. III. d. II. & nemini postero.



PARMENSIA.

IN PARMAM JUL. CÆS.  
SCALIGER.

**I**Nventum mediis præclarum nomen in armis,  
Prædita quo sit gens ignea Marte docet.  
Ingenium rapidum facili flammatur ab ira:  
Sed viget in patulo pectore purus amor.  
Magnanimo, precium est, non displicuisse pudori.  
Hoc satis, officiis cedere turpe putat.